

La doturia **Margarete Mahlknecht é demez por ferias** dai 15 ai 30 de jügn y vëgn sostituida dal dot. Eduard Agreiter (0474 523 315 - 333 13 80 852).

## SAN MARTIN Y LUNGIARÜ

I preüi bel i sorvidus che ai fejes ince d'isté so sorvisc: pro les mësses di dis da laur: 2 sorvidus y pro la mëssa dla domënia: 4 sorvidus - *le ploan, siur Iaco*

### SAN MARTIN

En sabeda, ai 20 de jügn, va i **jogn da San Martin sön Cor** a ti ciaré al florí de sorëdl. I s'incuntun dales 16.00 dan la capela de Sant Antone a Picolin por jí cun i auti sò Ju deboriada y da dailó a pe sön Cor. Düc dess se to dlaurela da gní. Sön Cor saral ince val' da mangé y da bëre.

En recordanza dl **defunt Corrado Castlunger é gnü fat ofertes** por la dlijia da San Martin y por ss. mësses dales families Klaus Vanzi y Paolo Vanzi, dala Uniun di Èi, da Pepi y Romi Dejaco, da Ezio Carocci y da Sepl Graffonara. Dër bel dilan.

Ultimamënter s'ál indô abiné sò deplü **crusc de fosses che é gnüdes tutes demez**. I familiars di defunc dles crusc tutes demez é invia, sc'ai á interes, da se tó les crusc cina ala fin de jügn 2015, zënza gnarares venüdes por curí les spëises de cortina.

**Bel dilan** ales animadësses dla Schira Jonila da San Martin ince por le laur fat por la ploania; dilan ince a chi che s'un á tut sura dl grup di sorvidus.

### LUNGIARÜ

Al vëgn dër bel perié do i **contribuc dla Cöra**, che vëgn trac ite en chësta domënia (festa dl Cör de Gejú) y la proscima domënia tres do la gran mëssa te colonia. Da paié é 20,00 euro por porsona, tuc fora i scholars y studenc! An po ince paié ite diretamente pro la Cassa Raiffeisen da San Martin, sön le cunt intesté a: Parrocchia Longiarü: Iban: IT 63K 08010 58830 000304004931

Düc vëgn dër bel invia da gní incò, festa dl Cör de Gejú, dales 14.00, a fá **le Tru di Criscé**, che nes dëida da jí plü sot tl mistêr dl Cör de Gejú y da nes lascé ite sön so amur por nos.

I jogn da Lungiarü fej le **füch por la festa dl Cör de Gejú, dales 19.00** inant ia dal ciamp dla segra. Al gnarà fistidié por le mangé y le bëre. Düc é bel invia.

I **Seniors da Lungiarü é invia** en domënia ai 21 de jügn, dales 12.00 a na griliada ite dal lech; le cost é de 5 euro por porsona. Gnide tröc y prenotesse pro Annelies cina en vëndres sêra 345 33 87 173

I **rengraziun** dër bel i animadus y les animadësses dla schira jonila dles mitans y di sorvidus dl gran sorvisc y dl bun laur. Dër bel dilan.

Le Patronat Sgb Cisl ti pîta ala jënt la **poscibilità da lascé fá la EEVE** ch'an adora por domandes do contribuc y alisirazions. Al vëgn n impiegat vigni dedolönesc dales 15.00-17.00 tla 3<sup>a</sup> alzada dl Raiun Sozial a Picolin; an ne mëss nia se prenoté.

Invit ala presentaziun dl **liber de poesies de Ruth Videsott** „linies y spidic“ cun dessëgns de Ursula Tavella en vëndres, ai 19 de jügn, dales 20.00 tl Istitut Ladin.

La Uniun dl Sport da Lungiarü y la Val tëgn **cursc de sport por mituns y mitans**:  
- por la mesana mëtel man ai 30 de jügn dales 9.30-11.00 tl ciamp sport a La Val. Söl programm é arpizé, rafting, tēda jüc; cost 140 €  
- por l'elementara mëtel man al 01 de messé dales 16.30-18.00 tl ciamp dl sport a San Martin. Söl programm é jí en tēda, saltarina, jüc y n gröm de d'atres cosses; cost 110 €. Por info telefoné a Davide 340 50 90 762 o ciaré sôla plata internet de us laval y us Lungiarü.



internet: [www.valbadiaonline.com](http://www.valbadiaonline.com)

# Plata dles Ploanies San Martin y Lungiarü

siur **Iaco Ploner** 333 48 32 765 / 0474 453 003 - [ploner.jakob@aruba.it](mailto:ploner.jakob@aruba.it)  
redaziun: [anton.gasser@rolmail.net](mailto:anton.gasser@rolmail.net) - 348 27 44 517 / 0474 523 194

**14.06.- 21.06.2015 nr. 29**

termo da publiché: jöbia 20.00

radio: 90,40 / 93,70



## FESTA DL CÖR DE GEJÚ

*Vangele: Jan 19,31-37*

Canch'ai ê rovâ da Gejú y â odü ch'al ê bele mort, ne ti ài nia rot les iames, mo un di soldas ti à ficé la lanza tl costâ y atira é l'rogorü fora sanch y ega. Y chël che à odü chësc, à dè testimonianza, y súa testimonianza é vëi. Al sa ch'al cunta ci che é vëi, ch'i cherdëise incé os. Deache chësc é sozedü, por che la parora dla Scritöra s'adempliss: An ne dess ti rumpi degun ôs. Y te n ater post dij la Scritöra: Ai ciararâ sön chël che ai à traficé.

*Vigni fontana é n miraco; ara mëna fora ega nêta y tlera dal gremo scür dla tera. Ince sce na fontana sighita da dé ca, ne s'assüiera nia sô. Ara ne rogor nia por se instëssa, mo por d'atri.*

*Sc'i conscidrun plü avisa, viunse ince nos da fontanes. I viri da ci che d'atri fej por me y me dá inant. I n'á nia mia vita da me instës, mo i depëni da d'atri, sides por vistimënt y nudrimënt, sides por educaziun, informaziun y conferta. Idî l'á metüda da jí insciö, ch'i un debojëgn un dl ater. I viri ma deache d'atri fistidiëia, se dá da fá y é tres indô chiló por me.*

*Ince la fede ne n'ái nia da me instës. Ara é na scincunda che vëgn da Idî; i ti la sun de debit a chi che á dé testimonianza y che é stá ite cun súa vita.*

*Inultima viunse da Gejú Crist che dij: „Chël che bër l'ega che iö ti darâ, n'ará mai plü sêi.“ Gejú ó nes paré la sêi nia ma por n pez, mo por tres, nosta sêi do vita, do amur y significat. Porchël é diventé cern sciöche nos, á vit, á patí, á de ca súa vita y é mort por nos.*

*Da so cör traficé dala lanza rogorel fora por nos sanch y ega, da chësta fontana ciafunse súa vita divina y da chësta fontana nascel la comunité de Gejú, la Dlijia, che ciara sön chël che ai á traficé.*



|                                                                     | SAN MARTIN                                                                                                                                                                                                           |                                   | LUNGIARÜ                                                                                                                                                                                        |
|---------------------------------------------------------------------|----------------------------------------------------------------------------------------------------------------------------------------------------------------------------------------------------------------------|-----------------------------------|-------------------------------------------------------------------------------------------------------------------------------------------------------------------------------------------------|
| <b>14.06.15</b><br><b>FESTA DL CÖR DE GEJÚ</b>                      | <b>9.00</b> Adoraziun al Cör de Gejú<br><b>9.30</b> Mëssa solëna por la comunité<br>Prozesciun eucaristica                                                                                                           | <b>14.06.15</b><br><b>Domënia</b> | <b>8.00</b> Mëssa solëna dla comunité<br>y benedisciun dl tëmp<br><b>14.00</b> I jun por le tru di crisć pian ia dala dlijia demez                                                              |
| 15.06.15<br><b>Lönesc</b><br><i>Vitus, Germana, Lothar, Gebhard</i> |                                                                                                                                                                                                                      | 15.06.15<br><b>Lönesc</b>         |                                                                                                                                                                                                 |
| 16.06.15<br><b>Dedolönesc</b><br><i>Benno, Iustina, Luitgard</i>    | <b>8.00</b> Mëssa de dilan dla fin dl ann de scora<br>+ Maria Unterweger<br>+ Bino Pedevilla<br>+ Doro Verginer                                                                                                      | 16.06.15<br><b>Mertesc</b>        | <b>9.30</b> Mëssa de dilan dla fin dl ann de scora<br>+ Magdalena Flatscher<br>+ siur Stachio Clara<br>+ Emma Dejaco, Lagoscel                                                                  |
| 17.06.15<br><b>Dedemesaledema</b><br><i>Rainer, Adolf</i>           |                                                                                                                                                                                                                      | 17.06.15<br><b>Mercui</b>         | <b>7.30</b> Mëssa<br>en onú de Sant Antone y benedisciun dles munts<br>aniv. Filomena Clara<br>+ + Herta y Giovanni Clara<br>+ + Paul y Fortunato Daporta                                       |
| 18.06.15<br><b>Jöbia</b><br><i>Felize, Simplize</i>                 | <b>7.30</b> Mëssa<br>en onú de San Cristofer<br>+ Mariangel Tavella<br>+ + Otto y Clara Zingerle<br>Corona por vocaziuns                                                                                             | 18.06.15<br><b>Jöbia</b>          |                                                                                                                                                                                                 |
| 19.06.15<br><b>Vëndres</b><br><i>Romuald, Elisabeta</i>             | <b>19.00</b> Adoraziun chîta<br><b>19.30</b> Devoziun al Cör de Gejú                                                                                                                                                 | 19.06.15<br><b>Vëndres</b>        | <b>7.30</b> Mëssa<br>aniv. Franz Clara, mone<br>+ Anna Chiusura<br>+ + + Pire, Linda y Gabriel Clara                                                                                            |
| 20.06.15<br><b>Sabeda</b><br><i>Adalbert, Margarita</i>             | <b>15.30</b> Mëssa tla Ciasa de Palsa<br><b>18.30</b> Mëssa prefestia<br>familia de Marcus Sorá (de rengaziamënt)<br>aniv. Giovanni Verginer y + Maria Verginer<br>3 <sup>a</sup> de sopoltöra de Corrado Castlunger | 20.06.15<br><b>Sabeda</b>         | <b>20.00</b> Mëssa prefestia<br>familia de Tini Clara (de rengraziamënt)<br>+ Paul Daporta<br>+ + Mariangel y Iudita Clara                                                                      |
| <b>21.06.15</b><br><b>12<sup>a</sup> Domënia ia por l'ann</b>       | <b>9.00</b> Corona<br><b>9.30</b> Gran Mëssa por la comunité<br>en onú dl patronn dla ploania San Jan Batista<br>y benedisciun dl tëmp                                                                               | <b>21.06.15</b><br><b>Domënia</b> | <b>7.55</b> Adoraziun (pröma pert)<br><b>8.15</b> Gran Mëssa por la comunité<br>y benedisciun dl tëmp<br>dedô Adoraziun (secunda pert)<br><b>15.00</b> Corona tla capela de S. Ujöp Freindemetz |